

掃

紅

亭

吟

稿

掃紅亭吟稿卷八

崇川 馮雲鵷晏海

古近體詩

乙酉年作

燕九日予年六十有一檢出去歲周韻香內

弟

珩

壽予六十詩和韻寄酬二首

風塵馳逐幾忘年。愧寄瓊篇作綺筵。月到山陬原
是影。梅添海角始生妍。春燈市遠懷新歲。社酒情
濃憶古賢。檢點空囊佳句在。補酬雅誼向人傳。

重。逢。乙。酉。感。年。華。東。魯。迴。車。不。當。家。冷。署。乍。移。書。
帶。草。瑠。欄。時。憶。牡。丹。花。
丹。韻。香。家。壯。身。隨。沈。水。滌。宵。
月。目。極。琅。峯。盼。曉。霞。十。載。離。思。書。不。盡。蒼。龍。堤。挂。
柳。絲。斜。

花朝日見署中杏花有感用時字韻三首

小。院。重。逢。杏。一。枝。花。神。別。我。已。多。時。憐。他。未。改。嫣。
紅。色。不。似。人。添。兩。髻。絲。

門。牆。猶。有。杏。開。時。客。歲。黔。陬。未。見。之。應。是。春。光。照。

東○魯○杏○壇○遺○澤○繫○人○思○
屋○角○初○窺○半○面○姿○故○鄉○已○是○盡○開○時○任○城○攜○有○金○
波○酒○笑○向○花○姑○酌○一○枝○

又和保少柏韻二首

茆○檐○隙○地○也○生○春○杏○纈○如○梅○暗○效○顰○好○與○百○花○賀○
生○日○一○林○紅○艷○動○詩○人○
活○色○生○香○別○樣○姿○韶○光○珍○重○半○開○時○紗○窓○我○正○無○
聊○甚○自○洗○銅○瓶○供○折○枝○

東壩觀水用李青蓮過魯東門韻二首

桃花夾岸此中開。泗水縈紆去復迴。近日魯東門。更好謫仙底事不重來。

月下乘舟掠舊堤。風光不比夜郎西。願沾浣筆泉。邊水繪出東郊菴。畫溪。浣筆泉在浣寧相傳為太白浣筆處

三月二十三日寄懷李少山琪四首

十年作別意難舒。四首詩當一紙書。問訊錦落軒。上月光華還似過庭初。

六帙新鐫錦繡篇

時寄到新刻詩稿六卷

古歌樂府得薪傳

紅亭亦有詩千首

檢點舊藜尚未全

周鼎秦權漢魏碑

此中真意少人知邇來若問余

何癖金石多拈花月詞

辭別睢州返兗州

往來風雪幾經秋何當寫盡山

川景寄與青蓮作唱酬

酬嶧縣劉次垣明府

宇昌

覆瓶小集頻開顏

兩首題詞頃刻間才子情多知

學博詩人手。敏覺官閑清風來自峨眉。嶺惠政鑄
於葛繹山。葛繹山在嶧縣與鄒縣之繹山不同吏治更兼文治懋西
清彩筆耀塵寰。兄曾入館選

酬泰安徐樹人明府

宗幹

纔聽絃歌又奉符。年來治績震當途。文題金石鏗
聲遠。詩織雲霞彩艷殊。時題金石索駢體序文又寄到武城縣諸詩俱古雅
人歎盈箱堆錦繡。我知架筆有珊瑚。峯高日觀祥
雲集。為寫滄池五瑞圖。

賀汪竹千明府封渭之汶上縣新任

旌○旆○初○搖○汶○水○煙○黃○岡○政○治○好○敷○宣○雲○行○大○野○方○
為○雨○日○到○中○都○始○見○天○四○境○桑○麻○生○氣○象○滿○湖○菱○
瀉○入○詩○篇○衡○方○衛○尉○輿○謠○在○擬○共○蜚○聲○斗○極○邊○

寄李西闌德庚詩扇

時在清江浦
袁司馬署中

乙○亥○曾○經○滕○地○東○別○來○十○稔○轉○飛○蓬○清○江○水○帶○邗○
江○綠○相○府○蓮○開○幕○府○紅○舊○雨○關○心○詩○卷○裏○新○聲○傾○
耳○夢○魂○中○遙○瞻○依○涑○園○邊○路○便○面○書○懷○托○好○風○

咏夾竹桃

借得淇園幾葉春。花開灼灼四時新。紅顏有幸依
君子。翠管無言畫美人。似向蘭亭臨曲水。懶隨杏
苑惹游塵。一枝兩占園林好。未許羣芳更效顰。

夾竹桃山東名柳葉桃又成一律

學畫長眉翠黛鮮。風颺腮粉笑嫣然。若非葉似青
楊柳。錯認花開紅杜鵑。遊子漫棲金勒馬。漁人難
放武陵船。陶潛門下同生長。醜面來時益動憐。

咏四季槐

玉樹青葱秋蕊黃。忽將紫綬換金章。庭前豈獨三
株秀。屋角能留四季芳。露浥柔條常掩映。風搖小
穗亦飛揚。終年對此堪排遣。不為科場舉子忙。

咏子午蓮

細縷青蓮疊翠環。韶光只在六時間。長生未守庚
申籙。薄命疑經子午關。日正方思勻粉面。宵深何
處覓芳顏。來朝又有新粧換。夜落金錢做一班。

咏夜来香

嫩綠盤絲簇簇開。畧無臭味費疑猜。清歌忽唱包
明月芳氣都隨薛夜來。繡女挑燈生馥郁。詩人刻
燭重徘徊。知他少個憐香伴。茉莉潛添雪一堆。

咏晚香玉

山東花與夜
來香迥別

晚涼院宇幕生芳。起自泥盆草舍旁。似玉簪時多
傳粉。比金蘭處不塗黃。階前陣陣奇芬猛。燭下亭
亭瘦影長。恰似東山衆歌女。任它香艷也剛強。

咏茉莉

名呼抹麗。壑羣芳。搓玉團脂。淡淡粧。此地原多大。
北。勝。何。時。又。得。小。南。強。曾。從。遠。客。舟。中。寄。愛。向。佳。
人。髻。上。香。一。片。瓊。瓏。冰。雪。影。不。清。涼。處。也。清。涼。

咏野茉莉

江南名紫茉莉山東五色具備一名夜嬌嬌

屋角牆陰幾色描。夕陽西下媚秋宵。閨帷不有朝。
朝。艷。野。卉。猶。存。夜。夜。嬌。黃。絹。看。宜。題。幼。婦。紫。煙。雅。
欲。剪。輕。綃。偷。將。茉莉芳名占。婢學夫人趣亦饒。

有携倩雲女子畫蘭扇索題者應之

嫩○葉○幽○姿○拂○素○紈○粧○樓○雅○墨○得○來○難○聊○將○便○面○思○
人○面○擬○就○湘○蘭○索○畫○蘭○冉○冉○國○香○生○腕○底○依○依○媚○
色○在○毫○端○掃○紅○亭○上○春○風○遠○數○語○留○題○一○笑○看○

題畫

一○方○
閑○庭○小○院○梨○花○正○芳○佳○人○無○語○獨○立○斜○陽○曲○欄○干○
外○假○山○石○旁○螺○鬟○霧○擁○羅○袖○風○颺○如○有○所○盼○在○天○

題畫

神○仙○荷○耒○白○鹿○夾○道○手○採○湘○蕤○雜○以○芝○草○垂○髻○侍○
童○顏○色○美○好○借○問○伊○誰○商○山○四○皓○我○欲○從○之○煙○深○
路○杳○浩○歌○歸○去○月○明○如○曉○

題斧木爵

博古音有斧爵木解此器銘
斧木二字其斧字尤肖斧形

撫○茲○飲○器○遊○神○太○初○象○形○篆○古○雲○雷○與○俱○銘○兼○二○
妙○斧○爵○木○解○如○夏○四○璉○方○殷○六○瑚○紫○碧○凝○重○金○銀○
錯○踈○閭○狀○典○貴○能○勿○寶○諸○

齊刀錢歌

東阿購得齊刀錢。一刀之值青蚨千。又從濟南章
邱得數品。面同背異。古文傳。面文三字。齊寶貨。背
文上畫乾三連。其下一字異。文九。借作九。府圜法。
旋。背文下一字得上吉土工行人形較莒刀大實
開。幕刀先周尺量之。長七寸。信似鑣形。末環圓。宋
聖俞詩有文存半辨齊鑣乃知取象有深意利於
形末環圓句即謂齊刀
刀而流於泉土。埋沙蝕數千載。青翠翻比銅質堅。

周輪厚郭不劇手硃斑點點殷紅鮮昔日劉原父
取此勸酒筵但云半辨齊餘字尚茫狀聖俞詩人
不識篆原父好古何弗窮鑽研今人誤讀齊吉化
不知寶貨二字已見國語篇更採節墨之寶貨即
刀文作節墨邑按為齊刀相蟬聯圖入金石索可補博古
編歌成重太息知余者誰空拳拳

齊刀錢再歌

有以齊刀之多為
疑者因再作歌

錢圓函方天地圖景王大錢開規模寶四貨及寶

六貨二種希少如璆珠刀布下幣齊所制管子云
上幣黃金為中幣營邱青邱齊所都官山府海不足
幣刀布為下幣
異寧為錐刀矜錙銖威公昔日通輕重左司伯公
徵白徒莊山鑄錢成邱阜富甲天下雄蒲姑往求
生庶於荆楚厚幣更遣中大夫曾經載錢二千萬
不聞竭國愁空虛後世藏之動滿窖迄今掘者常
盈車地不愛寶故盡出此地所饒江南無謂予大
言恕不信請讀管子九府書

陋地歌

在滋陽城南八里南砂堆社即顏子郭外田

南砂古社多煙柳陋地村傳時日久當年饘粥給
顏賢郭外之田五十畝縈青繚白成高原信義敦
崇澆土厚開元封祀充國公張君頌寓包君手聆
奇瞬美獵麟書黃綸朱絲題曲阜唐曲阜令張之宏撰充公頌包
文該書碑聆奇瞬美即碑中句陋地亦有復聖祠整新廢址開林
藪子孫蔚起賢復多秋薦稻魚春薦韭陋巷陋地
兩相傳君子居之陋何有

息馬地古松歌

息馬地前雙古松。西如翔鳳東如龍。夭矯擎攫勢
百變。蒼皮老骨摩長空。此樹不與衆樹伍。如持漢
節。蓋秦封魯藩。夜寢得奇夢。漢壽亭侯來此中。時
方戰罷坐憩息。綠袍黯淡英姿態。熊依稀此樹在。其
側曾繫赤兔馬。嘶風立祠壑。像屢難肖。乃復齊袂
祈禱。恭果狀匠者。晝亦夢所見。正與魯王同天庭。
日角龍鳳表。竟得摹傳真聖容。至今凜凜春秋閣。

雕梁猶挂崇寧宮崇寧宮匾額係萬曆二十七年泰興王立或云此泰興王宮中
存移挂春秋閣殿前老幹屹相向樹猶如此况英
雄好與岱廟庭前六漢柏傳形繪影昭神功

石佛寺靈石歌

寺在城北二里許。隋時建。內有大石佛像。
殿前為聖水井。井有靈石。方不滿尺。一面
刻呪水。變成甘露真言。呪云曩莫藉嚕播也。枳他哆也。怛姪
他。唵。嚕。嚕。波。羅。波。羅。末。刺。大。宋。淳。化。五。年。
藉。嚕。嚕。嚕。娑。嚩。訶。

五月五日記淘井時請却安於井內不得

置於別處一面殘闕數字其可見者方秋

阜甚民惻文闕與議以禱之越二日雨感斯

靈驗迺新其甃絜其泉庶答神庥文闕癸丑

年九月日提領孟兗州管民官時立其年

號剝落想亦元人刻縣志失載府志及諸

碑皆以為古篆不知時代故歌以明之

蝸皇補天鍊五色何時飛墮此靈石石佛殿前佛

眼○看○聖○水○井○中○沃○深○碧○滋○陽○祈○雨○霸○應○多○鄰○國○它○

方○沾○潤○澤○

滕縣曾借此石祈雨雨降還石役棄道旁是村連雨不休識者曰此滋陽靈石

送歸原井兩乃止息馬上書甘露真言咒淳化五地井中做造一石不驗

年○五○日○刻○背○書○禱○雨○答○神○庥○新○甃○絜○泉○癸○丑○立○並○

非○古○篆○少○深○文○底○事○訛○傳○不○能○釋○碑○題○志○載○盡○虛○

浮○摺○紳○先○生○無○考○挾○靈○石○有○靈○應○笑○人○兩○面○真○書○

猶○不○識○我○因○請○雨○得○重○觀○細○剔○苔○痕○豁○胃○臆○燈○前○

題○咏○述○原○詞○霧○障○頓○開○秋○月○白○

苦熱行

炎氣煽驕陽。蘊隆歊不歇。雨斷露亦稀。枯沙陷車轍。河共坦途平。山似火燄接。行者空喘吁。坐者但搖策。蝗蝻隴畝鋪。百里無青葉。救旱正皇皇。差徭復駢疊。迎送整衣冠。相看汗交頰。有客索余書。祇臨熱甚帖。右軍有今日熱甚帖

捕蝗行

去歲捕蝗在膠州。小兒撲打忙清秋。去歲捕蝗穆

子港數日淨盡人心爽今歲捕蝗不可言火炎六月
嶺山村村村曾捕心力竭日費百金愁朝昏買
盡飛蝗買蝻子刨土爬沙千萬指但愁九日即成
形蔽野漫天旤胡底一蝗百子不可當九十九子
皆為蝗餘一子名氣不忿但齧蝻孽禾無損安能
化作億萬餘殺盡步蝻洩心憤一月捕蝗費不貲
財窮力蹶難支持可憐一片成焦土猶得分身禱
甘雨膏梁子弟飽且嬉那識官民嘔血苦

請雨篇 六月二十八日作

炎蒸六月火。繖張彊。藥赤埴青苗。黃湖壩流毒。煽
飛蝗。農夫捕打形枯僵。難憑巫覡與暴尪。長官齋
沐祈穹蒼。步禱日中汗淋裳。聖井靈石登壇場。咒
水真言甘露芳。籀娑縛妙諦藏。王母池心乞玉
漿。泰山雲至攔不霧。泰山雲濃厚主雨今不驗云是旱魃為旤
殃。大徵羽士請木郎。木郎之神霸煌煌。太乙真精
坎震方。道經祈雨有大木郎小木郎神咒俱奇麗如韓昌黎七古更求龍宮開

慈航旃檀雪璫鋪龍堂莊嚴瓔珞飄經幢青衣童
擊桺枝昂蜥蜴蟾蜍翻嬰缸鵬風鵬雨空際翔水
鳥夜唳音悠揚赤雞紫鷺翔雲鄉一足雙舞起鷗
鵝鵬鵬皆鳥名風翔則風雨舞則雨水鳥夜唳俱見禽經赤雞紫鷺見木郎神咒鷗鵝即商羊一
足鳥髮比丘合十儀容莊大雲輪誦請雨章如來
獨足貌
勅召輪蓋王香花飈動神聖旁八十四億龍騰驤
珠髻電冠大威光珠髻電冠皆龍王名見釋家請雨經共工頭觸祝
融罔火燄熄滅收驕陽元冥使者犇趨蹌壬公鼓

十三

浪○雲○海○洋○四○溟○夫○神○乘○動○勦○阿○香○夜○起○母○梳○粧○官○
喚○汝○推○雷○車○忙○靈○霍○高○座○擊○鼓○鐘○童○男○十○人○挽○車○
行○童○女○掣○電○揮○鞭○長○玉○瓶○倒○瀉○灑○陰○涼○
策童男挽雷車又漢武梁祠石室畫像有雷神坐
車上擊鼓十人挽之而行又有女子揮鞭作電狀
女子持瓶瀉水作行雨狀今有佛空中聞刀槍兩
人畫電用鏡不用鞭與古異 兵○十○萬○腥○且○狂○黑○旗○鬼○素○懸○漫○天○閭○水○龍○戰○勝○火○龍○
降○乃○斬○旱○魃○絕○其○吭○雲○津○奔○注○如○銀○潢○雪○泗○洪○流○
甦○土○疆○枯○禾○槁○黍○重○興○亡○吏○民○忭○慶○升○馨○薌○珠○宮○

貝。閭。靈。感。彰。神。庥。厚。荅。長。毋。忘。

柿仙門贊二首

柿仙門在充東門外。相傳魯滋陽王寢疾。夢一道人。啖以紅柿而甘。旦令人覓之。見道人携一柿。索值五十金。訝其昂貴。道人云。但持去。汝主不嫌貴也。王食之。疾頓愈。如其數酬道人金。不受。入門而去。即不見。因思春日。何得有柿。必呂仙化丹為之也。

乃楔其門曰梯仙門立祠壙呂祖像祀之

迄今香煙益甚云

額款刻魯滋陽王府崇禎己巳歲九月立

古稱橘叟今有柿仙紅珠二寸張仲殊詞龍霧丹

九天來真倏爾去亦飄然宵夢晨驗秋實春鮮良

緣一遇祛病延年

靈感萬變享祐三元泉飛齊甸

濟南府呂祖祠開殿有趺突泉

魯藩祥煙瑞鶴寶樹珠幡壺中日月袖裏乾坤斯

為洞府衆妙之門

喜晤馮絅齋錦

憶別正無慘逢君暑亦消家聲蜚北籍宦績起南
橋時攝松江奉賢縣南橋巡檢事因解河工餉過充句覓蘇臺古情餘沈
水遙又愁分手速剪燭話清宵

題荷花畫扇贈寧陽蔣芍農明府

兆鴻

絕無雕飾淨天工清水芙蓉起碧筩素不沾塵香
澹遠紅能射日影瓊瓏折來宜作幽人佩拂去還
生君子風憶得青溪泛秋水蔣侯祠畔五雲中

題牡丹畫扇贈馮絅齋

富貴場中別樣姿。姚黃魏紫兩相宜。知君氣骨高。
羣品不向徐熙索面脂。

題折枝桃畫扇

脂痕粉澤氣氤氳。人面花容兩不分。一種風情千。
古恨教人忽憶李香君。

題芙蓉丹桂畫扇贈衛生漁邨

肇綸

木末芙蓉人鏡粧。添將金粟點新黃。榮華本自因。

攀○桂○高○拂○天○風○袖○亦○香○

題史湘帆別駕朔齡搏虎圖二首

欲○識○琬○龍○手○先○觀○搏○虎○圖○英○雄○多○慷○慨○林○壑○幾○跌○
踟○事○不○辭○攘○臂○人○何○駭○負○隅○使○君○深○意○寓○豈○必○在○
於○菟○

昔○日○辭○河○伯○今○來○山○國○初○旌○旗○開○繡○壤○吟○嘯○出○輶○
車○臨○似○同○馮○婦○功○將○邁○史○魚○嶽○峯○供○點○綴○皓○月○滿○
庭○除○

題湘帆別駕石洞尋詩圖

隔○斷○紅○塵○豁○素○襟○一○邱○一○壑○捲○關○心○洞○天○路○杳○穿○
雲○覓○福○地○花○濃○帶○露○尋○到○處○有○詩○皆○入○畫○興○來○無○
伴○亦○長○吟○倘○逢○八○角○垂○芒○篆○乞○向○紅○亭○寄○信○音○
邕入嵩山石室見八角垂芒篆歸而學之三日不食

題師小浦別駕詩菊圖

未○到○深○秋○暗○有○香○蒔○花○更○比○蒔○秧○忙○欲○從○五○柳○分○
佳○種○好○向○三○閭○問○故○鄉○東○國○雄○封○方○作○雨○南○山○勁○

節已凌霜披圖恍觸籬邊興先借王宏酒一觴

和李式堂明府

士玉

留別韻四首

道德傳經守四箴。居高那復俗塵侵。一官罷去因強項。兩袖歸時淡素心。回憶虛堂明似鏡。毋忘雅度式如金。瀕行示我詩相慨。雪爪留鴻響遠音。

二

西載仙源績著聞。三年高苑惠均分。荏符久靖非緣。嬾桃李成陰。更是勤。絡繹關山縈別緒。啁秋燕。

崔○感○離○羣○但○看○明○敏○相○題○贈○可○驗○輿○情○附○若○雲○
緝私無獲被劾高苑實無盜可捕臨去時
士民倩郭小華書清勤明敏頌額公錢
以時

三

飄○狀○解○組○竟○辭○榮○雲○自○優○游○月○自○明○魯○阜○重○尋○游○
宦○地○瑕○邱○時○戀○故○人○情○簡○書○既○不○勞○詞○費○藝○圃○還○
堪○理○筆○畊○近○日○名○場○收○亦○好○誰○能○似○此○一○身○輕○

四

湍○西○江○北○兩○相○望○把○盞○舒○懷○勸○勿○傷○自○有○清○歌○追○

李杜底須別調唱伊涼君歸大滌收煙景餘杭大滌山稱

名 綃借於潛作錦囊何日苕溪同泛宅筆床茶竈

共襄祥後因病逗遛卒于曲阜

題陳鹿樵三錫印章冊子七月初六日

世人談印章皆云師漢法問以綢繆處茫狀不能

答鹿樵奇傑人思立名山業遨遊燕趙間古印得

盈篋心摹而手追鐵筆助神力自製昆吾刀鑽堅

如破的無論玉石銅水晶瑪瑙鐵一律紅白文渾

古復周匝當其運腕初精力團眉睫及其肫時
成功乃一霎置之漢印中宛爾無區別挾策傾賢
豪冠蓋相晉接名印鏤刻多數年成卷帙題詠詩
若雲金枝閒玉葉好古積奇珍東海頻涉獵買得
周角真父戊子孫析漢鏡仙人銘漢印中郎押時從
離縣買得周角文云父戊析子孫形制與雙弓角
相似又得漢仙人不老鏡及蔡邕私印俱極古朴
我亦出所藏欣賞意互愜明日赴任城駒唱難投
轄堅約再來遊從頭叙款洽

盜犬行

五弟勘灾。赴泗水橋。憩於野寺。見負擔者。作趙趙狀。問之。寺僧云。此人慣盜犬。售其肉。因見官長。故欲退命役。執之。釋其犬。犬將斃。畜諸寺。即以縛犬繩。牽盜入署。杖之。荷校三月。盜犬之風。乃少減云。

滋邑頑民。天不管盜馬。盜牛。兼盜犬。東家聞言。失青獨西家聞言。少黑獺。那知爛熟賣街頭。仰者為。

孟覆者。盪。聞賣犬肉者。但云羊視其。擔頭仰孟者。為羊覆。乃犬。狺狺獷獷。何足誇守夜。司晨日希罕。邑宰猝逢荷犬人。其行趙。起半遮掩。執而鞠之。即此徒某郭某村偷早晚。以繫犬繩。繫其元。以擊犬杖。擊其跣。攻子盾者。子之。矛請君入甕。何能免。荷校滅頂。苦難言。問汝盜犬。敢不敢。

題寧威將軍郭公家傳後

郭公諱廷睿。滋陽高梧橋人。

梧今訛。嘗從

明太祖出征身中十餘矢。手執大旗不仆。轉敗為勝。太祖壯之。就行間賜蟒袍授寧威將軍。子孫承襲指揮。其九世孫皇畿。國朝順治丙戌進士。仕直隸遵化縣。

世祖巡行。廉知其能。屢承詔對。賜裘

馬者三。縣志失載。今閱其家乘。因述之。

寧威將軍金鐵身。崧山奇傑無比倫。起身卒伍敵上將。明太祖時長從征。百戰百勝難盡述。手執

張頻先登。有時身中十餘矢。大旗不仆。驚如神。似此堅剛。帥士卒得非再世雷萬春。雷萬春守城六矢著面上不動。令狐潮疑轉敗為功。得上賞行間。親賜蟒袍。新後裔承襲。指揮使蟒袍代代傳。孫子沿及我朝。定鼎時。燕榜初開。得奇士。遵化作宰。獨賢勞。

三錫裘馬

隆恩叨迄今。關隴同山左。兩支繼起多英豪。嗟哉。四百餘年雲物杳。一家文武人間少。邑乘所遺家。

乘傳我為題詠。登梨棗。郭氏譜系自明迄今祇有抄本尚未付梓好將軼事待輜軒。忠精不逐煙塵掃。新嘉驛畔度斜陽。高梧橋口懷秋草。君不見來往行人載口碑。指點郭家舊坊表。

附錄五弟作

家世起寧威。承祧襲指揮。蟒袍傳組笥。裘馬錫綸扉。績著聲能遠。枝繁族可依。高梧遺蹟在。坊表正巍巍。

秋蝶

艷影落斜陽。蕭蕭金粉。花嬌三徑。少身怯六銖。
涼。蒙叟園猶在。佳人扇已藏。宵來宿清露。可有夢
魂香。

秋燕

忽忽身如客。和煙掠晚風。欲辭空壁壘。難別好簾
櫳。柳影疎還翦。芹香冷未融。來春應有約。倚盼杏
花紅。

聽絡緯聲有感

絡緯吳中產。聽來客思牽。雖能鳴斷續。無復緒纏綿。
綿夢冷青溪月。心飛白露天。何當尋故友。絮語豆棚邊。

中秋望月懷熾兒

一片光明景。羈人望倚欄。去年陰不見。今日好同看。
正射黃金策。還吟白玉盤。廣寒能到否。消息探長安。

重陽日登青蓮閣四首

東郭清如洗。相將謁白雲。水聲飛雁翅。石影度龍
文。古樹青黃半。遙山鄒魯分。萸囊逢盛節。倚閣竚
斜曛。金口壩兩旁斜矗名為雁翅舊有卧龍石
陰雨則現龍文今在龍王祠前尚見其尾

二

日○淡○煙○波○渺○蕙○葭○兩○岸○浮○伊○人○在○秋○水○故○宅○傍○沙○
邱○目○斷○碧○霞○寺○心○空○黃○鶴○樓○三○年○曾○寄○托○俯○仰○共○
悠○悠○太白詩我家寄在沙邱旁今此閣
即建在砂堆社中門前砂堆宛狀

三

濠梁風定後。漁子網來初。就此活泉水。烹茲鮮鯉魚。
酒斟銀錯落。簷挂玉蟾蜍。我欲邀公醉。冷狀唱步虛。

四

結構倚龍堂。花開繞徑黃。經心雙畫棟。屈指六重陽。
雲月通仙氣。衣冠有異香。雪椒題詠好。滿壁尚淋浪。

已卯歲友人題咏甚多俱粘壁上
後被遊人揭去惟楊雪榭詩尚存

附錄楊雪樵題壁詩四首

雪樵名際春福建侯官縣進士

近郭停遊屐。閒身逐野翁。微波金口堰。斜日魯

門東。雲嶂濛濛絮。秋林槭槭風。古今搖落感。寂

寞小桃紅。

昂首青蓮閣。神僊一醉中。百年餘酒夢。大塊付

詩筒。醒眼知唐帥。低頭有謝公。團蕉容揖拜。心

事辦香通。

誰是經營始。西河大小馮。釣遊稽井里。蘋藻及

兒童倚檻山無際。五月在空嘉我賢。邑宰不
與衆流同。

半日清閒福。勞生此發矇。雲光沉白水。秋色老
丹楓。沙渚看撈蟹。天高數唳鴻。歸途頻指點。躑
躑玉花驄。

寄贈邱霜湖玉麟五首

邱子個儻人。愛琴兼愛菊。琴以鳴清操。鞠亦伴高
躑。方今風露涼。村居比空谷。一彈復再鼓。黃花正

娛目二者合為一。何必高山曲淵。狀澹素心。四壁
搖空綠。

二

人生天壤間。原為不羈客。嗟予逐風塵。僕僕苦行
役。火日東平道。灘溜踏氷雪。朝登泰岱青。暮看溟
海白。東遊十一年。遷徙日促迫。何若從子遊。逍遙
步阡陌。

三

憶昔訪君時。殘鞠披黃金。去年重過訪。秋蕊香桂
林。贈我歛溪硯。貽我淶水琴。揮毫捐俗慮。撫軫發
長吟。室遠人不遠。觸目晤同心。天高遘鴻雁。為傳
空外音。

四

中庭有奇草。自名曰吉祥。蘭葉一何肖。小穗含幽
香。托生君子居。分我作盆玩。瘦影拂虛窓。四時青
不斷。昨入康成室。移得真書帶。今亦抽紫花。與此

遙相對。

五

君家有驥子。幼能讀父書。循吏祖風在。會當高門閭。鯉庭無俗客。書畫羅座隅。艷艷邱遲錦。勞勞馮婦車。相望不相及。改足空長吁。何時謝塵擾。長揖歸田廬。

九月十六日得熒兒北闌捷音

京華十載繫離思。也有登科錄到時。南榜蹉跎酬。

北榜黃旗熟習見紅旗燬以癸酉選拔屢入南闈
滿即逢茲七歲逢二酉奇緣合家有雙丁賴爾持
酉科登北榜索性棄茲風力便莫教虛度杏花期

十月朔日喜得金桂姪家書

一紙書來千里聞鯉魚風送慰離羣老親健步不
扶杖稚子牽衣也作文時家君年八十有五聞尚
昌孫方五歲牽衣不舍能徒步遠遊子東來時會
今已十五解作時文惟有債多難擺畫幸無事
變少紆紆平安兩字黃金貴忙裡頻看慮亦分

題會稽女子碑

碑在滋陽西北三十五里。新嘉驛馬神廟
中原序云。余生長會稽。幼攻書史。年方及
笄。適於燕客。嗟林下之風。致事腹負之將
軍。加以河東獅子。日吼數聲。今早薄言往
訴。逢彼之怒。鞭箠亂下。辱等奴婢。余氣溢
填胸。幾不能起。嗟乎。余籠中人耳。死何足
惜。但恐委身艸莽。湮沒無聞。故忍死須臾。

候諸妮子睡熟潛步後亭以淚和墨題三
絕於壁庶知音者讀之悲余生之不辰則
余死且不朽其詩云銀紅衫子半蒙塵一
盞孤燈伴此身恰似梨花經雨後可憐零
落舊時春終日如同虎豹遊含情默坐恨
悠悠老天生妾非無意智與風流作話頭
萬種憂愁訴與誰對人強笑背人悲此詩
莫把尋常看一句詩成千淚垂又施愚叟

閨章後序云。右會稽女子詩。題於新嘉驛。後壁上。其詩久傳於世。而驛壁字無存者。余至。詢之。有老驛卒秦登科。能誦其詩。言某將軍挈家過此。不知其姓名。僕從甚盛。既早發。失一燭。臺覓之。壁間石碣上始見。是詩。蓋其女秉燭夜題者也。世傳死驛中。當時實未死。或永夜沉吟。含情宛轉。遂已達旦耳。狀亦豈能久在人間哉。事在萬曆。

四十七年又四十年。予為刺之於石。又和
原韻云。美人零落泣風塵。不惜明珠掌上
身。淚入郵亭千尺土。莫教芳草更生春。環
珮魂歸何處遊。若耶溪畔路悠悠。生前不
作鴛鴦夢。定化孤鴻叫隴頭。借問蕭郎是
阿誰。笑啼不解坐生悲。可憐一夕銷魂盡。
博得千年客淚垂。其餘和作不脩錄。
新嘉古驛高梧北。舊恨依稀追一夕。會稽女子斷。

腸○詩○啼○痕○慘○澹○搖○空○碧○路○人○爭○看○女○兒○碑○碑○在○驛○

前○馬○明○祠○兩○碑○竝○立○一○碑○好○前○列○原○詩○後○和○詩○人○土○

呼○女○兒○碑○兩○碑○相○似○施○刻○為○佳○

序○文○先○述○由○來○苦○燕○客○攜○行○過○東○

魯○筭○年○笑○別○舊○家○山○小○星○日○日○遭○風○雨○腹○負○將○軍○

已○非○偶○况○有○河○東○獅○子○吼○金○屋○嬌○同○奴○婢○論○鞭○箠○

忍○使○花○容○受○萬○恨○填○膺○死○不○辭○但○愁○湮○沒○冤○難○剖○

潛○伺○諸○妃○睡○未○醒○秉○燭○搖○紅○至○後○亭○荒○臺○古○壁○無○

人○掃○淚○血○留○題○落○鴻○爪○平○明○車○馬○去○如○龍○誰○從○去○

後尋芳蹤。不為燭奴搜覓遍。此事茫茫。遂曉風。壁
間。瞥見詩三首。過客傳流。炙人口。生耶死耶。不可
知。去此料亦歸烏。有一時和者。聚如煙。關心最是
施愚叟。殷勤勒石重。為記萬歷四十七年事。迄今
二百有八年。土花似拂眉。彎翠女子不知姓名何。
空傳驛卒秦登科。三詩曾入買愁集。碑刺重看信
不訛。十稔瑕邱客漸老。經心古蹟傳梨棗。似此才
媛重會稽。斷紅那肯埋秋草。嗟哉世事不勝悲。近

多。謠。諫。傷。蛾。眉。借。作。歌。辭。長。太。息。擬。看。當。年。墮。淚。碑。

又和原韻三首

無。復。紗。籠。壁。上。塵。題。詩。遙。憶。可。憐。身。桃。花。命。短。遭。風。雨。縱。有。嬌。紅。不。當。春。

腸。斷。山。陰。道。上。遊。鄉。關。迢。遞。姓。名。悠。生。生。玉。貌。歸。黃。土。羞。見。鴛。鴦。繡。竝。頭。

除。却。蒼。天。更。問。誰。黑。心。符。慘。古。今。悲。佳。人。莫。怨。冤。

沉○海○轉○有○名○同○竹○帛○垂○

宋陶穀清異錄載黑心符一篇極言妒婦慘毒

題朱季直方印章冊子二首

燕○園○曾○聚○首○此○別○已○經○年○不○謂○青○雲○士○重○逢○白○雪○
天○賞○心○談○舊○刻○刮○目○閱○新○編○擊○碎○珊○瑚○樹○思○將○漢○

法○傳○

昔○日○懷○三○小○

謂黃小松董小池今茲識六橋即陳蔡小痴俱以印傳

奇○君○蕙○絕○技○顧○我○度○寒○宵○金○石○心○相○契○絲○桐○手○自○

調○宋春菴善鼓琴時與偕來知○音○能○有○幾○相○對○一○鬼○銷○

咏蘆花四首

生長溪湖兩岸邊。蒼蒼一片老秋煙。
鷺鷥隱處潛垂地。鴻雁嘶時直上天。
遠浦低迷漁子網。野橋導引賈人船。
宵深別具空濛境。月照銀沙倍皎然。

二

浪得花名混太清。也堪比作柳花輕。
葦園霜壘朝無影。荻港風簫夜有聲。
掠轉晴煙時拂拂。曝開煖日更盈盈。
達摩渡去行踪杳。鷗鳥相隨穩不驚。

三

鷗渚。鳬汀。曲折通行。行惟見白頭翁。霜凋柳岸。難留翠血。點楓林。欲觀紅海。角有時。嗟斷梗。天涯從此。怨飄蓬。沾泥入水。何區別。一任迴旋。西復東。

四

轉眼蕭疎。落葉乾。西風吹過北風殘。伍負江上。鷺心別。閑子衣邊。忍淚看。借爾編簾。銷冷淡。任它纖屨。總寒酸。野人況味。偏廝稱。收拾花冤。雪已漫。

臘朔日賀保少柏六十壽二首

官街臘鼓響初喧。蓮幕傳盃作壽樽。我長一年神索索。君逢六秩意軒軒。平章第宅饒金簡。廉訪聲華念玉昆。兄係元脫脫平章後人令兄九真近日

嶰山對晨夕。每攜詩草共評論。

江邨家學見前型。

兄家傳畫蘭竹令伯江村公為予同社老宿亦善此而兄勝之

水墨蕭疎入畫屏。勁竹揮時身亦健。幽蘭拂處氣俱馨。曾從濟北尋黃石。也向膠西上介亭。歲歲年

年同此樂。老梅開放詠遐齡。

題畫屏風贈馮綏堂司理履九四首

姹紫嫣紅逞物華。春深到處是雲霞。玉堂高敞須
濃艷。先寫人間富貴花。

蓮蕊蓮花出水鮮。顰眉勻染捻清妍。愛蓮人見應
相賞。直抵濂溪說一篇。

秋光入手試心裁。弄色芙蓉次第催。恰好東籬花
未老。拒霜兼帶傲霜開。

雪窓呵筆向庭陰。天竹山茶色淺深。畫到黃梅花。
事畢一輪寒月印冰心。

掃紅亭吟稿卷九

崇川 馮雲鵠晏海

古近體詩

丙戌年上

正月十三日聽宋慎庵經歷煜鼓琴

清○燕○堂○空○明○似○洗○四○無○人○聲○聲○在○指○七○絃○拂○拂○天○
籟○生○心○手○調○和○韻○宮○徵○初○聽○忽○訝○來○松○風○幽○巖○邃○
谷○呼○仙○翁○一○聲○撲○落○平○沙○雁○塞○上○嘹○唳○思○征○鴻○漁○
歌○似○逐○江○波○動○樵○歌○伐○木○清○風○送○膽○叛○恰○放○一○枝○

春坐對梅花作三弄長吟短吟自在行全掄急鎖
琤琤鳴非絲非桐似金石若無聲處俱成聲曲終
理出釋談章朱朱遮遮音滿堂鷗鷺忘機絕塵世
客窓夜話神悠揚鷗鷺忘機客窓夜話皆琴操名問君何以技至
此二十餘年窮奧旨近客任城琴友多日不離手
相追摩乃知熟極能生巧不在言詮在意表絃能
從指指從心感召游魚及飛鳥方今正月日十三
洞天春曉象中涵却笑湖州當日事撾鞀伐鼓下

江○南○

汪元量湖州歌丙子正月
十有三撾韓伐鼓下江南

燕九日予年六十有二

前○正○週○甲○憶○膠○川○兩○度○春○陽○沈○水○邊○今○我○又○逢○燕○
九○日○幾○人○能○見○鶴○千○年○梅○因○破○雪○舒○紅○蕊○竹○為○收○
燈○捲○綠○煙○京師以正月十九為燕九
日夢華錄載是日收燈老○去○尚○餘○雙○
目○朗○且○偷○餘○暇○款○書○田○

酬胡升巖學博銳元題集原韻即以贈別

七○字○編○珠○排○奧○旨○眼○前○妙○道○拈○來○是○君○家○傳○經○白○

鹿山更有中庸胡伯始漢胡安聚徒教於白鹿山又胡廣字伯始官至太傅

歷事六帝時人諺曰萬事不膠東老宿結詩壇贈理問伯始天下中庸有胡公

我璜章高莫擬姑尤地大少知音睥睨黃山況餘

子去年我向珠山遊把臂論文對蘭記兄子名鴻經善作文

肄業珠山書院喜君惠鐸來兗州周行示我平如底首著

盟宜魯酒斟酌爚敲銅韻商徵聚首苦短別離長

鞭絲又聽驪歌起算雲春樹思何窮欲晤知交詩

卷裡

擬吳趨行酬冷芸葯

煇

魯酒不成醉。齊謳未足娛。賤子吳郡來。為君歌吳趨。
吳趨甲天下。今古稱名區。仁風扇泰伯。麗景開闔閭。
艷艷錦帆涇。高臺臨姑蘇。有溪浴香水。有巷猶穿珠。
採蓮南北里。百花東西衢。輿馬日駢疊。冠蓋擁城隅。
閭門接席阜。七里錦繡圖。美人入花市。香風透羅襦。
畫舫更燈舫。笙歌溢郊墟。貂裘雜綺縠。龍纈堆瓊璠。
千金綠翡翠。七尺紅珊瑚。玉山論

尋丈屋角拋碑礫鐘表自狀鳴鸚鵡羣相呼曾見

鸚鵡望之如血又有一洋海珍異品何物此間無白鸚鵡能誦聖經一章

葑門豈葑菲胥門成華胥名園玩芍藥野塘泛芙

蕖。監門下水瀆。霸巖開天樞。徘徊響屨廊。來往皆

名姝。蒼厓老翠枯。碧沼長朱魚。靈岩山頂池中朱魚甚長有尺許者

七十二峯影。浮漾洞庭湖。縹緲與莫釐。何必讓蓬

壺。兩洞庭分峙太湖中其峯之最高者西曰縹緲東曰莫釐我登穹窿山。神仙

排清虛。我遊香雪海。徧地瓊林鋪。支硎尋支遁。龍

威探禹書。天平數萬笏。上方窺蓮趺。觀之信不盡。
味之復有餘。倦遊憩獅嶺。曲折問倪迂。別來十四
年。好景空踟躕。羨君裁艷曲。字字敲琳腴。見獵心
復喜。長歌續吳歎。

附錄冷芸葯吳門詞十首

三叉分曲港。一棹指平江。寺遠蟠虬塔。蓬開拓。
蜃窓聲名周上國。貢賦夏中邦。問俗真殷富民。
言雜處。唯。

才。終。日。以。來。
纜。當。維。地。戶。榜。且。倚。天。閭。誰。坐。千。人。月。分。來。一。
水。香。通。宵。圍。燭。鬧。鎮。日。賣。花。忙。第。一。山。塘。好。應。
知。引。興。長。

文。窓。通。窈。窕。曲。檻。折。周。迴。雅。慕。西。園。興。因。教。北。
墅。開。花。明。圍。蛺。蝶。人。艷。奪。瓊。瑰。地。主。能。憐。客。衣。
香。逐。隊。來。

芍。藥。調。厨。品。茵。陳。益。食。單。惟。看。出。翠。釜。未。解。厭。
青。盤。供。帳。嬉。春。麗。深。盃。坐。夜。闌。朱。門。盛。徵。逐。賓。

從有餘懽。

參軍高越調子夜艷吳歌。法曲梨園擅新聲。柳市多璫瓏珠錯落富麗錦。盤陀餐耳同心醉歡娛。喚奈何。

長日趣尤饒。招攜暑為消。買來青雀舫。艤向綠楊橋。博飲呼臬雉。高歌沸管簫。嚴城扃未得。歸路尚迢迢。

尋常厭羅綺。奇服炫爛。端寶髻。金銀氣。瑤簪翡翠。

翠斑蘭香珠一斛。蟬薄玉雙環。妝罷憐無事。輕
梳漾綠灣。
駢田浮畫舸。綵繚出朱樓。今歲龍舟好。連朝虎
阜游。推窓人倚檻。飛箏客藏鉤。渡口爭先泊。河
平隘不流。
雲鬟低翠幕。露腕動鵲絃。晉客玻璃舫。吳孃玳
瑁筵。女閤三百戶。斗酒十千錢。忽訝繁星亂。珠
燈水上懸。

白傳祠堂遠。閨登子美亭。招涼尋竹塢。執熱開
莎廳。經月方言習。流雲客夢醒。霧巖山色好。弭
棹對空青。

題呂祖畫像

靈感昭垂世。所知玉清上相帝王師。奇緣未遇千
人石。化蹟曾書四至碑。虎邱千人石新立二仙祠
有呂祖靈驗記通州呂四
場自宋及明有仙蹟者躡突泉邊雲共仰。林仙門
四鵬曾撰呂祖四至碑
外月頻窺金丹一顆。誰堪度袖拂天風鶴羽遲。

題麻姑畫像贈王翼之

麻姑十八好丰神。曾與方平共降真。身倚青鸞飛萬里。執攜綠酒度千春。髻鬟高應釵銜雀。指爪長宜脯臂麟。一自仙壇題作記。又將小影落紅塵。

題畫散花仙贈鄭春華孝廉

天女維摩是也。非散花雲際影。微微花隨雲氣排。空下雲擁花風作伴飛。不着塵埃。留色相無須根蒂。亦芳菲才人更有生花筆。到處繽紛觸妙機。

題趙有亭行看子

鷗波亭上久傳經。客裏披吟手不停。八索九邱探
紫府。三菁五奧問滄溟。窺將月影心俱淡。坐入桐
陰骨亦馨。最是葛仙詩句好。望君風佩想泠泠。

題荷包牡丹畫扇贈鄭時亭學博

澍

巧樣出閨帷。花梢一例垂。風姨朝弄色。月姊夜添
絲。富貴探囊取。胭脂逐手施。好穿書帶草。倩爾貯
新詩。

馬千搃歌

千搃名雲從。徐州人。嘉慶十一年夏。曹河
水猛。汎堤欲決。陳笠帆中丞時為兗沂觀
察。飭兵夫防堵。馬公與諸營弁方聚食時。
聞水益湧。即投箸起。親率畚築人。不敢進。
公竦身立。椿埽上。疾呼填土。不已。埽陷身
沒。順流而下。求其屍。不獲。水退。堤定。三日
後。得之。虞城縣界。衣冠不動。面色如生。先

是觀察曾夢金甲神人告語云堤將陷馬
入水保無患不解其意秘之至是果應其
兆大異之即立祠壙馬公像觀察親撰記
其祠與趙將軍廟並趙將軍者漢順平侯
趙子龍曾著靈顯里人祀之馬公像一手
直指蓋肖其疾呼填土之狀也公嗣慶成
廕襲把總有父風吾聞之章治亭云
馬千總者萬夫雄熊身孫臂長弓太平已久兵

革○息○乃○隨○觀○察○防○河○工○時○在○嘉○慶○丙○寅○夏○曹○河○奔
決○堤○將○崩○公○方○會○食○投○箸○起○親○率○畚○鍤○水○益○洶○兵○
夫○裒○足○呼○不○進○公○立○埽○上○忘○其○凶○埽○潰○身○陷○順○流○
下○陰○雲○慘○淡○搖○腥○風○仿○佛○水○底○湧○殺○氣○斬○除○鼃○窟○
搜○蛟○宮○頃○之○水○退○堤○亦○護○公○尸○獲○諸○奔○流○中○衣○冠○
不○動○面○不○改○一○手○直○指○怒○髮○衝○吏○民○感○拜○駭○且○泣○
觀○察○悅○狀○明○心○胷○金○甲○神○人○先○示○兆○知○公○此○去○非○
凡○庸○壖○像○立○祠○勒○碑○記○後○昆○應○襲○
卹○典○隆○漢○趙○

將軍舊有廟。從今耿耿昭雙忠。子龍本是渾身膽。
得公真合雲從龍。春秋肅祀韻在室。霸旂旆旆來
蒼穹。不見曹河堤上平如砥。千秋鞏固皆神功。

贈馬廐生慶成二首

英才那與衆流同。爵祿端宜報有功。貌似恂恂心
似鐵。知君忠直本家風。

底須大戟與長戈。水土平成馬伏波。他日看君敷
吏治。再留口碣與曹河。

時又從營中改
歸地方効用

題許雲嶠刺史鴻臚西遼記四首

遼自保大五年天祚帝為金人所擒而亡
太祖八世孫耶律大石建國於起思漫別
為西遼康國二十年沒蕭后塔不煙稱制
號感天皇后傳子彝烈彝烈殁二子幼命
妹普速完權國號承天皇后荒淫亂國為
六院大王幹里刺所誅立彝烈次子直魯
古後為乃蠻所滅西遼共八
十八年許公為撰傳奇四折

銅○琶○鐵○撥○響○清○宵○錦○帕○蠻○韉○態○轉○饒○今○日○董○狐○親○
載○筆○六○觀○樓○上○譜○西○遼○

必里遲○高牯○譙○懽○軍○威○雄○振○起○兒○漫○感○天○扶○國○承○

天○亂○女○主○貞○淫○看○意○看○

必里遲寓謂重陽日
起思漫亦作起兒漫

四○時○捺○鉢○不○同○科○
帛○子○河○還○蓮○子○河○
不○謂○竹○櫟○

蓋○地○也○堪○鼓○吹○入○
鏡○歌○

遠史稱四時各有行在地
曰捺鉢春在鴨子河夏在

金蓮子河秋在伏
虎林冬在廣平淀

淋○漓○史○筆○叶○絲○簧○天○
祚○人○亡○祚○未○亡○八○
十○八○年○如○

瞭○掌○鈞○天○無○復○奏○
西○堂○

尤西堂集有
鈞天樂傳奇

題雲嶠刺史孝女存孤傳奇四首

康熙十二年吳三桂起逆犯桂林桂林子
兵孫廷齡迎之入叅將張世倌與其四子

俱力戰死夫人孫氏自縊惟仲婦產一子
方彌月亦委之而去孝女淑貞時年十八
歲撫之成立名延緒十八歲成進士入詞
館姑沒後為立義姑祠於桂林許公為撰
北曲傳奇四折

吳藩起逆翦忠良張氏全家五陣亡賴得香閨撫

猶子義姑祠建姓名香

咏咏教育苦婢娟十八年將一綫綿固是千秋奇
孝女也非綵筆不能傳

元詞格調繪情真叅府門庭學士新憶得郊城周

孝婦已人也咏沁國春

山陰陳泰谷作東海孝婦傳奇即搜神記孝婦周青

予曾題沁國春詞二首

桂林從此盛登科傳到膚施感歎多
泚水才人循政遠可知風化起絃歌

書中有張仲友祭祠一折仲友係孝女之侄曾孫為

陝西膚施縣尹者

署中木香盛開有感

手植茶蘼已漫牆一天清雪洗濃粧
樹猶如此人非昔博得虛名十里香

木香之單瓣者名十里香

四月初九日長子蟻報聯捷旋得家信次子

清泰於三月二十九日入泮兼以誌喜

十日恩沾兩地經南鴻北雁喜頻聽燕都竟爾

登黃甲魯質猶然免白丁次子資質不敏豈有人才超世

俗端資祖德振門庭崐山踵起非無助願趁長風

響羽翎

五月三日題鄭柳田畫南樓煙景圖

東魯書院諸子以蟻兒聯捷公製聯匾並

取向日鄭柳田所畫南樓圖橫幅為壽囑
題南樓桃李四字於其上予殊愧焉因題
作南樓煙景圖附綴以詩用誌諸子惓惓
之厚意云

少陵臺上豁雙眸。古意新懽入望收。
膝下榮光邀北闕。院中秀色起南樓。
時張子庭樺亦登進士選主事分入刑部敢誇
桃李逢嘉會。且逐風雲紀勝遊。
坐對千秋仁壽塔。嵒山沆水共悠悠。

六月二十七日題畫蘭扇送勞峻光入都

勞君勞力且心勞。六月征輪火繖高。一紙家書憑寄處。正開玉竦見金鰲。

畫策留題興未闌。香生空谷勝齊紈。贈君欲比山陰道。一幅蘭亭掌上看。峻光山陰人

二十九日喜雨和梁莖林廉訪章鉅原韻

望霖心切轉多晴。此日眞看屋溜傾。六月恩膏蘇赤土。九天渥澤下青城。桁楊寂處民俱潤。鼠雀平

時穀亦盈。十郡蒼生。懽不極。大明湖畔聽歌聲。

二

魏○魏○節○署○郡○城○東○喜○雨○亭○開○晚○霽○紅○廉○鎮○威○稜○齊○
陸○贄○外○臺○衡○鑒○擬○王○充○天○心○已○卜○巢○阿○鳳○民○膜○猶○
思○集○澤○鴻○去○歲○早○蝗○今○歲○稔○可○知○贊○化○有○元○功○

荳林先生命題漢雙瓦研歌

漢長生無極雙瓦係王蘭泉觀察所得贈
紀文達公製為一硯一蓋翁覃谿閣學為

題銘刻文達復贈荏林先生云三世交情
視此硯矣先生重之徵詩成冊

古研發幽香。奇珍聯漢甕。會覆未央宮。圓璫飾金
碧。乃越二千年。潛輝起沙磧。長生無極文。均好如
雙璧。考之漢瓦記。六種此在列。作研還作蓋。兩當
合。為一得自王蘭泉。西安正持節。製自紀文達。東
閣留銘刻。三世知交深。持以贈英傑。先生天下才。
獲此尤珍惜。視硯如侍師。揮毫不離側。天上白雲

司。入。間。宗。匠。石。吟。咏。藤。花。館。古。韻。和。煙。滴。長。生。復。
長。生。無。極。更。無。極。願。祝。鴛。鴦。友。綿。綿。歷。千。億。

七月十三日 酬徐樹人明府 宗翰

去。年。讀。君。武。城。詩。勘。灾。恤。患。勞。焦。思。又。讀。泰。山。之。
八。景。八。風。從。律。雲。光。披。愧。我。塵。事。日。促。迫。未。能。握。
管。相。追。隨。今。得。四。山。詠。更。覺。心。神。怡。卧。疾。為。之。蹶。
狀。起。清。颺。送。入。紗。窓。裡。山。繭。山。雞。得。品。評。山。輿。山。
可。工。摹。擬。想。見。登。丹。梯。過。目。窺。端。倪。佇。足。試。心。石。

凝思滌慮豁皆試心石滌慮豁振筆如風得神助一
珠一字輝雲霓化工肖物生斑竹近來樂事竿頭
孰願勒山頭百丈厓好與岱宗新面目

中元日題桂字銅印冊子贈桂樸堂

桂氏珍藏桂字印本是小松司馬贈兩耳四中方
四分一字朱文圓且勁金耶元耶時莫知姓也名
也渾難定瀆井復民有夙緣翻似前人鑄今姓主
人篆刻精漢章借此比作銅符信未谷先生自刻瀆井復民印亦

時○以○此○桂○字○一○時○題○咏○燦○雲○霞○傳○之○後○裔○如○懷○瑾○
印○押○諸○卷○首○
我○亦○留○題○附○末○光○鳥○絲○欄○上○珊○瑚○映○

附錄桂未谷自題三絕句

遺文繆篆苦搜求○桂炅全同香爇收○
自注廣韻桂炅香快

四字同姓余編繆篆今見朱文單字印吾宗姓分韻亦全收此四字

氏喜長留

鷗波引首單文趙○
自注松雪有此例傳來便可
援○卷○軸○它○年○認○真○蹟○猩○紅○小○印○在○頭○番○

司馬從來推漢法。金元小鈕亦關心。簡齋託我
雙銅印。便欲裁書報武林。自注隨園得二字
印皆簡齋二字

是日又題王季通銀印冊子贈桂樸堂

銀印方廣三分。一面刻王道溥印。一面刻

字季通。一面刻道溥啟事。一面刻身居虎

踞龍蟠裏。家在黃山白嶽間。兩側楷識云。

萬曆丁酉秋日。為完初王先生作。孫元從

好齋共四十三字。精細特絕。黃耦賓得之。

金陵贈翁宜泉比部。宜泉鈴文贈桂未谷。
明府裘冊題詩。樸堂索予詩題而歸之。
季通何人。留姓字。圓珠密綴銀章細。龍蟠虎踞一。
聯詩方廣。三分文十四。孫子元從鏤刻精。印人傳。
內當書名。宜泉比部獲真賞。鈴文題記如箴銘。關。
心更有零門老。巾箱冊子螺紋小。宜泉去後印難。
留賴此落紅。風不掃。展玩明窓射日光。幾番錯認。
晴絲裊。

二十五日題董香光書畫冊贈衛義堂

古蹟收藏今亦夥最難歷劫逃兵火香光畫冊去

復回舊事驚心顏異我

此冊舊藏滋陽顏異我家言明季時李賊破城亂入

民家搜擊持刀所人觸破油憶昔思陵失鹿時羣

盜如毛掠山左餓殍難守魯王城魯王無褲城頽

墮賊圍城甚急民飢難守邑紳范少卿淑泰乞餉

賊而死賊劫魯爾時賊劫顏氏家橫眼殺人捲包

裹劈破油笏書卷汙此冊因之遭坎珂歸孔歸焦

復屬袁百計歸顏淚滂沱。承平已久重疲池。樂園
弄箴比珠顆。翁題桂阪癸丑年。又三十年出塵堦。
油痕宛在墨痕香。畫意清腴書猗儺。十幅今餘八
幅全。詩情綿眇神差我。滋陽舊物返滋陽。不逐游
塵再掀簸。戲鴻堂上想臨摹。式好軒中箴貼妥。義堂
所居曰式好軒子為題額。主人示我復多珍。感此飄搖存碩果。
不閱磨折不為奇。華亭何必嗟叢脞。衛屯衛尉永
護持。名山秘蹟煙霞鎖。

夜雨

淡日何曾見日星震來虢虢電光青三更雨到聲
如豆半壁燈殘燄似螢急起牀沿支漏帳俄鷄簷
溜透疎櫺空囊剩有書猶濕永夜遷移寐亦醒

即事

斗室幽窓四壁清井梧葉墮嫩涼生圓鑪細譜茶
寮記方罍閑看奕旦評茶寮記雲間陸樹聲作眼
底無人聯舊雨枝頭有鵲噪新晴豆棚開得花黃

白。又聽嘈嘈蟋蟀鳴。

八月三日送劉蔭南明府樹棠赴黔南任

宴罷紅綾餅分符。趣好風庭前懸木鐸。時長嗣煥

就選教職堂上播絲桐。製錦方呈技烹鮮。藉奏功藜光

輝映。虞握別苦匆匆。

莫謂牂柯僻。天南俗轉淳。八番歸鎮遠。六詔靖都

勻。念我親朋在勞君。簡牘頻。時內弟周讓甫在都

托寄音信循良看早報。海日耀朱輪。

題畫菊扇贈劉廕南

秋○到○人○間○抹○彩○霞○憑○君○披○拂○向○天○涯○
籬○邊○更○比○林○間○艷○好○散○河○陽○滿○縣○花○

佛探首歌酬閏觀堂

觀堂家居栗園即明魯藩花果園之舊地寄至大桃號佛探首絕似肥桃

栗○園○佳○果○數○十○畝○就○中○大○桃○更○希○有○啖○來○豈○但○人○
朵○願○望○去○先○教○佛○探○首○其○大○如○碗○味○如○飴○津○津○流○
液○香○盈○口○八○月○四○日○正○逃○禪○主○人○貽○我○雙○筐○篋○

梨蘋果綠映紅馬乳蒲桃紫而黝俱以分甘不獨
留酷愛此桃難釋手桃於衆果稱仙品食者輕身
能益壽上海水蜜推顧園臨清仙果藏林叟上海縣水
蜜桃以顧司馬園中為第一見羣芳譜臨清桃以
狐仙林三公家為最故曰林桃不輕予人吾聞諸
貴香庵肥城桃亦有高低賄買非人皆蠹朽君家
桃林燦若霞培之者深沃之厚佛猶探首况於余
祇慚荅報無瓊玖投桃人遇嗜桃人再索數枚許
我否

次日觀堂復以佛探首桃見貽酬以詩

果然投贈更加添。顥顥含漿水蜜甜。與到乞鄰方。

是惠。近時觀堂已將此樹桃售與鄰受來過分恐傷

廉圓靈想藉仙風。釀芳潔宜呈佛。指拈我為名園。

作佳話。漫將口腹笑無厭。

十六日朱季直方過。究以所得安樂鄉侯魏。

印見贈作歌酬之。

朱君古貌復古心。舜畊門外來相尋。沈水清瀏桂。

輪滿逆旅重逢。開素襟。贈我安樂鄉侯印。逼真魏
刻釘頭深。龜紐一孔在其背。大於他印。入手沉其
爵。乃見。迺康元年尊號。奏相國安樂鄉侯臣華歆
碑言侯者三十九。斯為冠首。高於岑。魏公卿上尊
號奏安樂鄉
侯在第一全孟德當年改古制。列侯徹侯殊蹄涔。
碑載金石索。此印不可無。一不可二。想像金章紱。綬垂清森印。
藪印統搜不到。風霜匿跡塵難侵。其間定有神物。
護。不然何以千六百六十餘年。留至今。故人得此。

玆相餉愧無重器酬知音抄摩旦夕不釋手補入金索真良金邇來邇齊復邇魯琴書乖隔同商參感君此意重歎息何時安樂棲山林花間聚首復分手蓬萊高望舒長吟

時季直將作登萊之遊

二十五日喜熾兒至

中秋過浹辰策策涼風急巷門聞謹呼忽然排闥入驚喜若夢中初看似不識別來七八年勞攘風塵色謂爾弋微名京畿方供職何期歸思殷乞假

返鄉國。爾方強盛年。前途利登陟。苦我心力殫。衰
氣日催逼。勉作十日留。交慰淚還拭。挑燈絮語多。
過此空相憶。

題仇十洲畫七十二候圖贈張存齋學誠

昭代繪事追前古。妙手尤推仇實父。尺幅雲煙具
化工。蚊行啄息螺紋數。昨閱清明上河圖。舟車如
豆人如珠。畫極工細。六仇十洲今見七十二候卷。
所作見於衛幼桓家。包羅四氣開霽樞。風雷鼓盪雲天表。燕雁交飛蜃

蛤小擬從劉案借。萍魚似向邊鸞索。花鳥瑕邱張
子從予遊。得此頃覺心神幽。豈惟妙繪供珍賞。亦
且象物憑探求。我聞劉褒畫雲漢。令人炎熱如揮
汗。忽然畫作北風圖。令人凜冽思壚炭。斯圖能燠
復能寒。轉眼光陰指上彈。燈前舒卷方頃刻。已作
人間一歲看。

附錄曾謙山明府傳薪詩

坤軸平攤紙五色。斗杓作筆兩灑墨。元氣淋漓

左右旋。成象成形萬千億。有秦呂氏編春秋。七
十二候以類求。當時國門一字莫增減。誰知後
人全向筆底收。尺幅變氣候。時物供雕鏤。經營
慘淡意匠出。渲染層疊精光浮。造化在胸筆在
手。人工巧與天工偶。晴窓雨閣一縱觀。想見解
衣磅礴後。

附錄冷芸葯詩

平分令序成歲功。日月權輿相始終。屏翳挈貳

助元化。施鞭列缺。驅靈靈。蠅飛蠕動。各乘氣。華
實之毛。隨感通。明堂典冊。見戴記。疇能摹似。追
天工。七十二候。辰所舍。十洲妙華。開鴻濛。飛潛
動植。無不肖。豈徒仕女。誇娉容。因思竹簡傳汲
郡。已有氣著時之中。迺復又於時訓解。旬日再
應。如葭簫。若非得此。寫生手。烏能昭然若發蒙。
小正一編。傳夏令。桐芭燕睇。皆從同。安得倩公
圖小正。更將羴羊頰。馬旋長空。

附存長子熾詩

時訓之候七十二。幹運三微協卦氣。淮南時則。漢太初較早者三晚廿四。呂紀復與周解殊。辨且不能誰能圖。仇十洲氏寫生技。手取造化擘。且募在天風霆地水澤大者。鳥獸小蟲魚生枯。變化絕竒幻。一一毫素追形模。張君獲此良珍。惜數緡易得連城壁。展卷按候證分明。彷彿毫端神奕奕。大哉行生天何言。一氣一著寒代暄。

此時余從日下來。正及秋稼登田園。黍稷梁菽
既堅好。亦有苴壺雜梨棗。物或不載月令書。應
節告成皆萬寶。古稱樓璣丹青妍。四十五幅蠶
與田安得十洲子。生絹繼此繪出豳風篇。

重九日送子熾南旋四首

征塵乍拂又南回。執手重陽酒一盃。記否京師逢
此日。賣糕人戴吉祥來。北京歲時記重陽賣糕人頭戴吉祥二字
我有鄉心願不如。漫從齊魯托居諸。高堂耄耋身。

還健為報平安兩字書。

十二年來客思單。故園風景未凋殘。登高有興猶堪補。先到琅峯頂上看。

初登仕版着鞭先。給假歸期莫久延。九月南飛正月北。爾來須趁雁來前。

郊行

秋○山○澹○不○收○。秋○水○清○無○底○。隔○岸○兩○三○家○。疎○花○綴○紅○紫○。徙○倚○欲○何○歸○。極○目○斜○陽○裏○。

十月三日二郎廟觀菊贈寺僧盛林四首
暢○好○西○郊○結○淨○緣○竹○籬○精○舍○菊○花○天○白○衣○大○士○裁○
黃○絹○金○粟○如○來○弄○紫○煙○法○雨○輕○敲○聲○百○八○香○雲○微○
度○世○三○千○今○朝○不○羨○羅○含○宅○指○點○華○鬢○意○渺○然○

二

耐○過○重○陽○晚○益○奇○緋○黃○紺○碧○一○枝○枝○旃○檀○馥○郁○含○
霜○冷○寶○相○莊○嚴○帶○月○窺○供○奉○最○宜○三○聖○殿○蕭○疎○雅○
合○二○郎○祠○茶○斟○細○芥○相○評○品○幾○度○流○連○歎○色○絲○

三

緇衣本不入紅塵。况對孤芳悟性真。三月鶯花空負約。九秋風物喜逢辰。松關護法陶高士。蘭若栽詩白舍人。我欲徧題諸色相。支公席上斫龍賓。

四

淳熙多種此尤著。大小參差香一國。老圃斜陽遊子夢。殘燈素壁美人冤。遣懷有興尋蕭寺。作譜何年續范村。且坐靈山洽幽賞。白雲三徑擬衡門。

范石

湖菊譜載淳熙丙午范村所植菊
三十六種今此寺已有六十餘種

和謝龍門司馬三月五日登芙蓉島觀海運

詩二首

時司馬正攝
萊州府篆

登臨豈必訪寒同島有芙蓉入畫工
翠擁晴嵐浮海市紅搖初日散天風
千尋直接三山北一掌孤撐小石東
聞說糧艘當過此太平灣口駕長虹
寒山為萊郡名勝三山小石皆島名
芙蓉島在北去海岸五十里登此島
者由小石島前太平灣渡海

二

吳橋舊事想像稀神武軍來釋此園崇禎五年遊擊孔有德千
松李應元等以吳橋兵變遂背明破登州圍築城
甚急神武參軍彭有謨領川兵從海上至芙蓉島
入海國昔年金鼓震山居邇日稻梁肥千帆遠賈
三春集萬里飛翦一夕歸吟咏太平真氣象非關
遊眺戀斜暉

附錄原韻二首

島號芙蓉狀不同春來點染更加工鋪紅徧地
桃花雨吹綠沿山楊柳風賈艇旂飄排左右漁

舟網撒任西東。分明一紙丹青。畫猶有斜陽帶斷虹。

異卉由來識者稀。盤根祇有水重圍。綺霞映日容增艷。雪浪掀天影覺肥。頻見好風揚客載。何難絕域送人歸。山靈閱盡千秋事。砥柱中流數落暉。

附錄曾謙山明府和韻二首

芙蓉本與衆芳同。島嶼驚看結構工。近倚扶桑。

迎○曉○日○高○凌○仙○桂○引○香○風○拒○霜○勁○質○三○山○外○出○
水○奇○姿○大○海○東○

盛○世○並○無○波○浪○撼○春○來○掩○映○有○殘○虹○

海○中○絕○島○到○原○稀○為○運○芻○糧○瞰○四○圍○骨○立○一○山○
春○尚○瘦○眼○前○五○馬○草○方○肥○津○門○隱○約○猶○堪○認○帆○
影○飄○搖○怡○載○歸○

天○庾○正○煩○

宵○盱○慮○峯○頭○凝○睇○對○斜○暉○

附錄集軒五弟和韻二首

歸墟容納百川同。島矗芙蓉妙化工。定有根株蟠大海。喜無枝葉撼狂風。銅沙內界兼包外。玉粒南來恰轉東。雲散雨收凝望處。一卷蒼翠映長虹。

漕粟經由海運稀。滄溟浩瀚接天圍。凌波島嶼卑猶峻。出水芙蓉瘦亦肥。四面穩將漁艇泊。雙眸魚送塞鴻歸。丹忱盡日籌飛挽。菜子城頭又

夕暉

附錄保少柏和韻二首

瑶○島○芙○蓉○孰○與○同○不○雕○不○飾○本○天○工○根○連○水○底○
珊○瑚○樹○影○送○洋○邊○舶○舫○風○翠○巘○獨○明○沙○渚○北○紅○
雲○猶○壑○海○門○東○飛○翺○恰○喜○帆○檣○穩○欲○訪○蓬○壺○駕○
彩○虹○

蠟○屐○遊○山○到○此○稀○獨○饒○漁○艇○泊○周○圍○世○間○花○貌○
紅○原○瘦○海○上○仙○姿○綠○正○肥○龍○伯○何○妨○舒○錦○去○鮫○

人○合○唱○采○蓮○歸○勞○分○星○使○籌○輸○轉○目○極○糧○艘○送○
落暉

和童一齋

士崧

去臘立春日萊州郡圃作

開○花○異○卉○點○莓○苔○四○照○亭○邊○手○自○栽○天○以○陽○春○迴○
北○陸○地○留○勝○景○說○東○萊○賞○心○會○倚○千○竿○竹○屈○指○將○
開○兩○度○梅○却○憶○風○流○賢○太○守○日○偕○名○友○此○銜○盃○
照四

亭在郡署中龍門司馬攝萊府時修治
之補栽花木每讌賓客于此賦詩稱盛

和梁莖林廉訪十八日喜雪詩仍用喜雨原

韻二首

四野雲同晦。若晴初冬早見雪花傾。千枝密綴恒。
春樹一色遙。連不夜城。聞登州雪較大山水極天觀。皎潔
田疇比戶卜豐盈。玉堂冰署相輝映。時聽窓前蟬
履聲。

十月飛霽海岱東。底須侈說嶺梅紅。詩題黃竹懷。
姪滿律減丹書。頌賈充塞北千秋翔。老鶴天南一
字望。征鴻吟成白雪高。難和造化都歸德化功。

十一月朔薛篋齋學博贈虛心棗酬詩二首

得心字

樂陵嘉果

剥秋林客裏分甘惠益深

夏間曾惠京都虎骨丸服

效之有

嗜味既堪供悅口問名還可質虛心花開纂

纂黃遙憶果熟離離紫獨沉鑽挾何如無挾好王

戎小技漫推尋

曾憶金陵古寺陰帶圍銀杏亦無心

靈谷寺有玉帶白果無心

二千里外征塵遠十五年餘客思侵懶把細膏分

檇棘。欣看美質。比璆琳。西京七品。何遺此。作賦還。

思補上林。

西京雜記上林苑中棗有七種

次日。甃齋以和韻詩。至即疊前韻酬之。

安邑空傳千樹林。何如此棗熟秋深。果逢希有開。

青眼。揆到全無顯赤心。數出家珍珠顆。顆寄將土。

產玉沉沉。未知絕種。何能種。物理終難仔細尋。

或云

此棗不待種而自生

金線低垂小樹陰。

以其紋細俗名為金線棗漫誇羊角與雞心。

昭明未許塵氛擾。細密何來俗慮侵。我賦短章慚
宋玉。君酬麗句擬陳琳。側聞筐篚充年貢。異品
曾經達。籟林。

再疊前韻二首

小花似桂簇園林。綉玉團酥醞釀深。桃李無言慚
醜。挾杞有恨為多心。獨將瑩徹含風艷。別具甘
芳帶露沉。海上安期期不至。南津古味耐探尋。
陵樂

縣大禹
津地

思鄉有影落庭陰。思鄉亦棗名掃却人間好惡心。鄭茂
如斯安可見。比干似此不能侵。薦看小寶疑丹萐。
儘有堅光耀赤琳。再疊酬君珠玉句。願君聲價播
雞林。

附錄璧齋和韻二首

盟河流潤棗成林。阡陌秋生一望深。此物原多
資果腹。於中獨少號虛心。剖來色試看金縷。釀

去香疑嗅水。沈海上空傳。衣比大安期。何處可重尋。

恠他無種自垂陰。美利原非出有心。小摘最宜晨露潤。初生早避路塵侵。此樹多夕陽樹外迷。依園舍紅袖稚子竿頭落。紫琳究是田家歲時餉。敢同橙橘競霜林。

臘八日酬薛篋齋侶即用原韻

天公玉戲開瑤光。樹木凍折山容僵。寒窓啜罷臘

八○粥○思○我○老○友○客○路○長○愧○無○魚○鱸○薨○麋○鹿○獻○羔○酒○之○
敬○殊○尋○常○不○意○反○獲○瓊○瑤○報○句○奇○語○重○何○能○當○老○
梅○花○發○清○照○眼○穿○珠○貫○玉○迴○詩○腸○馮○謹○彈○缺○方○縮○
手○白○雪○先○歌○薛○孟○嘗○安○得○聯○吟○日○百○首○寒○銷○九○九○
開○青○陽○世○事○浮○雲○可○不○問○佐○饗○得○嘗○佐○鬪○傷○外傳
者嘗為佐古○稱○吉○羊○宜○酒○食○漢○鑑○銘○文○列○尚○方○漢
門者傷為方○鏡○銘○有○大○吉○羊○宜○酒○食○之○文○古○
人借羊為祥漢洗有圖作羊形者祝○君○麋○壽○樂○無○
極○贈○我○譽○詞○心○悚○惶○

附錄 壁齋原詩

臘雪通宵月爭光。侵晨出戶凍欲僵。瓶內傾無
黍稌。瀝盤中剩有欄干長。阿奴捧羔並攜酒。傳
來墨瀋懽非常。先生憐我閉門卧。老病奚堪涸
寒當以飲。以食禦冬味。此意能不銘肝腸。滿引
已盡升斗興。大嚼還分兒孫嘗。眼前積素如挾
纊融融。四體回春陽。草榻倒去亦云快。菜園踏
破庸何傷。珍物矧出詩人貺。百朋之錫焉足方。

所缺邀迎共君酌對案未免生慚惶

題冷芸葯多倫諾爾詩卷後

多倫諾爾猶言第七泉在口外

冷君示我詩百首玉盤錯落珠璣走金臺人向朔
方遊一路行吟出北口寒沙蹙骨峯迎面匹馬崎
嶇經歷遍大翻山頭石似刀野狐嶺上風如箭多
倫諾爾少人煙幾度徘徊第七泉幽州白日三時
冷况復羈身冰雪天描寫物情兼鬼趣境險翻宜
得奇句好將摹勒燕然山竇憲當年紀功處

摘錄芸葯詩五首

出古北口

策馬出關去。愴然嘶一聲。風雲忽異色。天地若為情。纍纍青山豁。沈沈白日傾。休勞邊吏指。不

是棄繻生。

驅馬出層嶺。迴旋曲路分。黃花黑蝶隊。青草白羊羣。早飯三竿日。前途萬疊雲。一聲啼怪鳥。孤客豈堪聞。

多倫諾爾雜詠

義幕平沙裡。全家盡此俱。通。天。圓。啓。牖。席。地。煖。
圍。壚。易。飽。肉。為。飯。難。酣。酒。釀。酥。客。來。親。密。甚。團。
坐。共。跣。趺。

古說嚴寒地。今親至朔方。青。天。飛。白。雪。四。山。積。
因風吹至晴日中。素。壁。結。元。霜。地。是。龜。紋。拆。風。
厚。指。許。俗。名。清。雪。素。壁。結。元。霜。地。是。龜。紋。拆。風。
如。蟹。足。忙。我。來。逢。煖。歲。瘦。骨。凍。猶。僵。

打鬼謠

邦人相譁以打鬼。傾國而出。紛如蟻。辟壤雖無
巨麗觀。六月之望。轉奇偉。皇皇鉦鼓。競喧闐。隊
隊朱衣。亦光煒。虎牛鹿兔。佛髑髏。面具百般。皆
俶詭。章嘉呼圖克圖。有後身。章嘉呼圖克圖為
頭班喇嘛見會
典俗訛稱張家胡圖圖。每於是日。一出巡。鱗集。
轉世不改。共尊為活佛。無與倫上。食從容。列果
麇。至諸部落。尊而信之。茗人得挽車榮。莫等其餘。苦恨無由前。遙叩車
輪。爭觸頂。吾聞歲臘行大儺。黃金四目揚干戈。

茲土乃行季夏月殊形異狀排森羅承平久已
殲宵匪毆邪何必資桃葦勸君莫打且莫爭聽
我朗誦徐無鬼莊子有徐無鬼篇

衛幼桓送至晉韭冰魚羊羔蕨菜分詠四首

晉韭

豐本程途遠來逢腰臘天肥原因沃土美更藉溫
泉地有溫泉故莖白含霜脆芽黃冒雪鮮晉陽風
物好薦在早春前

冰魚

海口呈佳產。潛鱗玉一堆。魚出海豐利。網應和雪。

下籠每帶冰。來望去柔無骨。餐餘味滿。顯少陵吟。

白小遜此對寒梅。杜詩白小羣分命天然二寸魚此冬生而倍大

羊羔

羔羊詩所詠。此乃號羊羔。忽訝冰成片。誰將玉作。

膏。無羶空慕蟻。沒骨笑冷毛。周禮羊冷毛而羶。遣得柈盤。

興寒窓引濁醪。

蕨菜

初○生○呼○鼈○脚○乾○腊○歷○重○關○此○日○貽○東○魯○當○年○采○北○
山○宜○參○薑○桂○味○不○辨○薜○苔○斑○曾○入○夷○齊○賞○高○風○莫○
等○閑○

題戴石坪畫幅贈童一齋

尺○幅○翦○煙○霞○山○重○曲○逕○斜○青○松○千○萬○樹○白○屋○兩○三○
家○靜○到○無○啼○鳥○閑○應○數○落○花○此○中○如○訪○戴○幽○夢○繞○
天○涯○

題沈月坡季恒詩集四首

游歷經齊魯。聲華起越江。才原稱少偶。譜乃續無

雙。集○中○有○續○無○雙○倚○竹○雲○垂○袖○拈○花○月○滿○窓○新○詩○

看不厭。留與伴銀缸。

先後萍踪草。頻年萬里過。雲山爭起伏。風日幾銷

磨。夢○逐○征○輪○轉○情○牽○別○緒○多○更○奇○同○予○好○子○夜○壘○

吳歌。予愛作子夜讀曲等歌。兄亦有子夜歌十首。

涉筆遣春興。游仙到玉京。龍宮金瑣瑣。天女阮生。

生。

集中有和天台龍女金瑣詠雪和心冷哦松入

目。

清殷陽陶少尹園景得佳評

蘇。

相橋邊柳鄭公鄉裡花高懷雄幕府餘樂想田

家。

兄有田家四時樂三十六首

我已名心淡君方壯志賒何當

謝塵擾握手論桑麻。

附錄月坡續無雙譜詩

三十五首不能備載摘十一首

諫以兵

咏楚鬻拳

諫君不從脅以兵。敗軍不納君請行。不能滅敵。

弗○遞○施○君○既○納○諫○臣○就○刑○吁○嗟○乎○朱○雲○折○檻○不○
為○異○郅○憚○拒○闕○何○足○稱○臣○心○已○盡○臣○身○苦○楚○之○
先○王○自○有○靈○

忼慨歌 咏楚優孟

詆○諧○匡○君○德○微○諷○存○諫○體○激○烈○忼○慨○歌○義○俠○孰○
與○比○廉○吏○可○為○不○可○為○惟○君○念○舊○卹○賢○耳○既○表○
故○人○賢○復○舉○故○人○子○當○代○卿○相○難○其○人○優○伶○之○
中○乃○有○此○

五湖游

咏越大夫范少伯

忠能酬主智可全身知機沉照富不如貧五湖
一棹煙景常新嗟彼負與種斯人豈其倫

六國相

咏蘇秦

千里走函關金盡貂裘敝金盡何足論一
卷陰符猶在笥猶在笥伏而誦之得其秘六國
相印併一身男兒此時真意氣父母降心嫂投
地嗟爾世人休咤怪季子多金良足貴

非無益 咏漢女緹縈

生女不生男。緩急似無益。不意天可回。賴女脫
刑辟。免父誅。肉刑除。感悟聖主一疏書。至今人
誦漢文德。那知全藉緹縈力。

折角巾 咏漢郭林宗

黨錮之旤難為趨。名流孰得免其辜。先生名列
八顧首。獎拔人才更居多。一折巾已變風俗。聲
華豈讓龍門乎。鸞鳳飄狀翔雲表。靜視虞人施。

網羅

漁陽搥 咏禰正平

昂藏一男兒。豈負故人舉。既為天子臣。肯與奸
邪伍。裸體罵賊。莫敢忤。漁陽搥。且傳千古談。笑
氣已吞曹。劉眼底何曾有。黃祖吁嗟乎。正平之
狂。誰其儔。芳草萋萋。鸚鵡洲。

三顧行 咏蜀漢昭烈帝

莘野三聘。賴幣書渭濱。一訪載後車。草廬三顧。

自古無巍哉昭烈真良圖。屈已下賢。弼國模。卧
龍一出。蒼黎蘇。臣為名世君。誰如。

宣文君

咏晉韋逞母宋氏

馬融帳五鹿角。佳話流傳今如昨。不意韋氏之
母乃名儒高懸紗幔。列生徒一代傳。經由婦人
石渠虎觀。誰其倫。

右軍師

咏晉衛夫人

蘭亭隻字等璠璣。當年伊誰為之師。夫人李氏。

名○茂○漪○右○軍○實○從○學○作○書○青○能○掩○藍○以○藍○成○永○
寒○於○水○由○水○凝○右○軍○書○法○莫○與○京○益○見○夫○人○一○
代○英○

江中鼓咏宋梁夫人

泥○塗○英○雄○豈○易○識○况○乃○身○列○廝○養○卒○夫○人○藻○鑑○
亦○何○超○除○却○斯○人○莫○與○適○江○上○飄○飄○掣○繡○旗○戰○
鼓○鼙○鼙○滅○敵○師○長○江○依○舊○橫○如○帶○從○此○金○人○不○
敢○窺○夫○人○卓○識○既○無○雙○夫○人○功○績○更○非○常○堪○笑○

後人圖四將不列夫人列劉張

題夏鷺溪學禮蘭亭序印譜二首

六書測解抵箴銘摹繪形聲入汗青姑蘇韓司寇家傳君望公

所著篆學測解三十卷繆篆更開生面好操將鐵
兄為繕寫校刊行于世

筆寫蘭亭

曲水流觴興有餘猩紅小印走蟲魚此編若令義
之見應悔當年作俗書韓退之詩義之俗書逞姿媚

題夏鷺溪履舄賸稿四首

蘇○臺○鄰○近○熟○遊○時○未○見○高○踪○繫○寤○思○不○謂○巖○山○成○
聚○首○賞○君○刻○篆○誦○君○詩○

涕○水○西○流○沆○水○東○簡○書○裁○罷○理○詩○筭○大○明○湖○與○南○
樓○景○盡○在○才○人○囊○括○中○

玉○屑○清○言○見○一○班○知○君○仙○骨○自○珊○珊○近○來○多○作○思○
鄉○語○我○亦○縈○情○憶○五○山○

詞○章○金○石○許○誰○儔○世○事○年○來○已○倦○遊○有○日○包○山○探○
禹○蹟○攜○君○吟○嘯○洞○庭○秋○

和南沙河旅店維揚女子題壁詩二首

臘日集軒五弟因公事赴鄒小憩東灘旅
舍見壁上抄粘臘前二日北平葉天培錄
維揚女子在南沙河旅店題壁詩佳甚其
詩云輕謫塵寰黯自憐誤人幻夢小遊仙
如弓明月初三夜自註初三日為母難之期似剪春風
十五年屋綬黃金傷不偶玉雖白壁歎難
全無端竟屬沙叱利並少韓郎若個邊其

二云怕泛鄱陽波裏船。何如如此入秦川。
心驚路遠三千里。命薄身隨一萬錢。恨不
踈。頑。同。白。腹。悔。會。閨。閣。理。丹。鉛。比。他。花。蕊。
夫人苦旅壁。聊充十樣箋。詩後自序云。儂
本維揚貧家女也。幼從李猗薌夫人伴讀。
今春夫人隨任遠赴楚江。遣儂他往。無奈
父母愚弱。家室凋零。長安賈以百十金。購
得儂。即斂艷潛光。無如不免。良人年已週。

甲○腹○無○一○丁○朝○夕○相○對○默○無○一○語○嗚○呼○此
身○已○托○理○難○再○抱○琵琶○不○知○前○世○何○愆○受
此○無○邊○罪○孽○肝○腸○寸○裂○聲○淚○俱○乾○俚○詞○疥
壁○以○遣○無○聊○而○良○人○在○側○猶○問○烏○雅○之○作
何○生○活○云○末○書○道○光○乙○酉○五○月○三○日○賈○芷
亭○題○一○時○和○作○如○林○初○叅○疑○信○後○署○友○呂
子○心○淵○自○南○沙○河○來○見○其○墨○蹟○實○女○人○書
葉○氏○抄○稿○有○十○餘○字○不○同○今○改○從○原○本○予

悲其遇。和其詩。欲與會稽女子並傳云。

弱質飄零最動憐。况兼才美句如仙。脂花影落庚

寅月。

生年正月係庚寅楚辭云惟庚寅吾以降粉。辟。香。生。乙酉年。別恨。

今番惟笑泣。斷冤何處問。安全枯楊漫作生。稊幸。

請看啼痕屋漏邊。

邦江碧水畫簾船。回首煙波赴逝川。羞說范郎生。燕燕難從辛氏比。錢錢南沙有幸留。鴻雪西峽何。心問黛鉛好把紗籠勤護惜。莫教塵撲彩雲箋。

疊和前韻

會○經○御○李○得○人○憐○謂李漪底○事○輕○拋○賈○浪○仙○怨○雨○
嬌○啼○分○袂○日○正○風○斷○送○及○笄○年○夫○桃○未○放○心○先○死○
嫩○柳○輕○攀○影○不○全○擲○與○金○夫○關○隴○外○可○堪○玉○女○夢○
魂○邊○
九○江○風○月○別○湖○船○三○晉○雲○山○望○渭○川○不○見○畫○樓○金○
屈○戌○何○來○駿○馬○錦○連○錢○奇○才○久○分○珠○沉○海○薄○命○終○
愁○粉○化○鉛○誰○贖○文○姬○歸○故○土○且○將○傳○誦○和○吟○箋○

附錄孔冶山上公和原韻二首

莫認灣頭是小憐。天風吹落散花仙。
李華乍別虛芳信。蘭質無雙負少年。
未必衾裯能久抱。生成才色況兼全。
傷心怕看臺城柳。歲歲橫陳大道邊。

不怨長安估客船。竟攜名媛下遙川。
途窮焉得忘憂草。心苦空勞買笑錢。
雲髻罷梳愁點黛。玉容不整嬾調鉛。
無端嫁作商人婦。寫恨詩盈旅

才
卷一百一十五
壁箋

附錄孔伯海儲公和原韻二首

楊花飄泊有誰憐。孽海浮沉閬苑仙。怕聽金梭傳別恨。從知錦瑟誤華年。情多自是愁難釋。慧絕終教福不全。萬種相思無處訴。夢魂長繞九江邊。

眷戀紅橋載酒船。傷心空自歷晴川。瓊簫誰奏楊枝曲。春樹還飛榆筴錢。憶得有情猶對鏡。料

應○無○緒○再○施○鉛○一○從○旅○壁○題○詩○後○惹○得○詞○人○淚○
湍○箋○

附錄孔鎮齋先生和詩二首

朽○壤○栽○蘭○若○箇○憐○却○同○塵○世○着○神○仙○工○吟○柳○絮○
傷○今○日○許○拂○松○牋○憶○往○年○荼○蘂○乍○更○心○自○苦○闕○
山○遠○涉○命○難○全○堪○嗟○香○閣○青○衣○女○託○跡○飄○蓬○斷○
梗○邊○

淒○風○吹○上○賈○人○船○芳○草○無○情○碧○滿○川○飄○泊○江○湖○

馬識玉權衡子母只論錢素心不是頑同鐵紅
粉終教化作鉛苦調傳來憐慧絕聊將餘恨寫
花箋

附錄汪博堂

培基

和詩二首

幼婦吟成劇可憐命窮負却貌如仙無雙白璧
埋千古有限黃金誤百年此去情形應共惜從
來才福本難全縈迴謝女題詩處驛路輝生旅
屋邊

憔悴風塵別畫船。紅橋好景隔山川。悲臨玉女
催粧鏡。愧說天孫下聘錢。袂瑟已難彈別調。飛
蓬無復御華鉛。佳人換馬同傳恨。轉博芳名播
彩箋。

附錄沈鶴坪宗約和詩二首

蛾眉飄泊有誰憐。題壁詩存憶謫仙。過眼紅榴
開麗日。題壁時傷心。碧玉怨韶年。才華已足傳
千古。福慧終難占兩全。忍使芳顏歸白首。明珠

暗棄恨無邊。

休將騎馬比乘船。誤載瑤姬別逝川。怕見飄風傷蝶板。愁聽苦雨落榆錢。離情暗灑三更淚。瘦骨難支百鍊鉛。應與新嘉會稽女。一般嗟誦衍波箋。

銀娘歌

嘉慶乙亥歲。予東來時過清江鋪。友人李西欄邀飲袁司馬署中。李榆村孝廉培謙

述銀娘事。屬予賦之。而未遑也。今偶檢出榆村所叙舊稿。乃補作歌。其傳畧云。銀娘不知其父母。桂以大婦見逐。從榜人朱芳偕之。遂為鹽城人。銀娘幼色藝兼擅。芳愛之。使侑客。不從。時北直錢八者。為海糴總辦。見銀娘。悅之。銀娘以終身托焉。居半載。代糴者至。錢厚以金帛酬芳。將偕銀母女俱北。芳以為絕利源也。堅不可。三人失望。

銀以死誓不復見客。芳凌逼萬端。銀私自
計。吾一弱女子耳。不從不得生。從之又不
如死。死可以謝錢郎。可以自明。適有陳生
某。飲舟中。芳逼銀出。銀盛妝。放懷暢飲。高
歌激越。酒闌。陳就卧。銀入後艙。扃其戶。呼
之。不應。潛投水。死。明日得其尸。葬之。年纔
十六云。

女郎本具貞良性。亦得已。從父母命。墮入煙花失。

性○真○拚○將○一○死○明○清○淨○銀○娘○生○小○貌○如○花○飄○零○不
幸○歸○倡○家○倡○家○技○藝○無○針○黹○但○教○歌○曲○彈○琵琶○嫡
母○不○仁○生○母○逐○漫○隨○舟○子○度○年○華○鹽○城○未○得○鴛○鴦
侶○浪○蝶○遊○蜂○何○足○取○逢○人○獻○笑○背○人○啼○誰○識○蓮○子
心○中○苦○海○推○錢○郎○有○實○情○殷○勤○為○訂○終○身○盟○那○知
半○載○新○巢○換○拆○散○鴛○鴦○夢○不○成○送○郎○也○肯○隨○郎○北
母○女○相○依○事○畊○織○榜○人○但○願○樹○搖○錢○聘○幣○雖○多○爭
不○得○從○此○棄○粉○謝○膳○支○廢○寢○忘○餐○減○玉○肌○可○憐○瘦○

骨○愁○風○雨○猶○逼○人○前○勸○酒○卮○何○物○陳○生○太○無○狀○醉○
餘○央○入○同○心○帳○銀○娘○忿○恨○不○欲○生○高○歌○激○烈○聲○悲○
壯○潛○入○後○艙○喚○不○應○宰○地○捐○軀○投○駭○浪○榜○人○驚○覺○
悔○已○遲○生○生○斷○送○桃○花○姿○傷○心○軟○玉○埋○荒○土○才○是○
芳○春○二○八○時○故○人○屬○子○歌○其○事○客○路○倥○傯○無○綺○思○
方○今○對○雪○想○瓊○華○檢○點○序○言○猶○在○笥○抽○將○凍○筆○寫○
冰○魂○茫○茫○轉○恨○愁○難○寄○底○事○多○情○遇○狠○心○普○天○怨○
女○同○聲○淚○

題囊琴圖贈蔡琴川少尹

展卷忽生芳。何來窈窕娘。情多能綽約。姿好耐端詳。
廣袖吳中樣。高鬟衛社粧。囊琴非不鼓。留待蔡中郎。

栽水仙花四首

裊裊神仙格。盈盈玉雪膚。撥沙栽漢簾。擇座配宣
爐。細以清泉灑。輕將白石扶。一時來雅客。位置到
盟盃。
水仙為雅客

洛浦丰神在。稱名竟不同。前人呼雅蒜。野俗認天
葱。雲合碧無際。風來香滿叢。儷蘭堪揣稱。逸韻寫
橫空。

水仙一名儷
蘭見三餘帖

曝日晴窓下。花枝出葉長。黃琮安白璧。翠羽露明
璫。照眼嬌生暈。清心暗自芳。天寒羅袖薄。和月夢
瀟湘。

金璫獻銀臺。璫瓏玉作堆。閉闌無客至。隱几有詩
來。竹是珊瑚綴。梅看蜜蠟開。蕭齋同伴汝。對影日

徘徊。草木譜單瓣者名金盞。
銀臺千瓣者名玉玲瓏。

牛叶商袁敬臣同日送至黃梅口占四首

水仙裁罷正須梅。綠萼紅硃秘不開。却好黃姑能解事。兩家持贈一時來。

金簪輕舒宮樣黃。色分濃淡鬥時莊。檀香磬口俱

超絕。各自含情各自芳。

牛所贈磬口素心
袁所贈檀香紅心

年來久厭接華簪。祇有黃香夢裡尋。憶得家鄉寒客在。掃紅亭子對冰心。

蠟梅為
寒客

深淺橫斜長短枝。定窠瓶貯兩相宜。新詩倘詠晁
無咎何處芳菲覓素兒。王直方家遣小鬟素兒以
蠟梅送晁無咎無咎以詩
謝之有云芳菲意淺姿
容淡憶得素兒如此梅

題閔正齋

貞

踏雪尋梅畫幀

正齋高格比寒梅。誓不趨炎世所推。此幅何時呵
凍筆。至今猶帶暗香來。
踏雪尋梅路正遙。一枝和雪採清標。夕陽驢背山
風冷。別有詩情憶灞橋。

望日得家書知肉子已於十一月十六日辭

廿九之漫成十首

家書一到頻心驚。素面封題攪客情。不幸老來傷
破鏡。更教羈旅哭吞聲。

捻為飢驅不自由。生離死別路悠悠。縱非夭折何
曾壽。辛苦光陰六十秋。

內子六十。悅辰在六月十七日。予欲回里不克。

山左江南各一天。竟成永訣恨無邊。傷心怕見蟾
蜍影。天上月圓人不圓。

足疾傳聞起禍胎。參苓罔效竟成災。誰知予病猶
虛架。汝反先行赴夜臺。予亦多腰疼足軟之疾。

有子成名未到官。漫思迎養入長安。也虧給假歸
來早。不爾牀前一箇難。子熾直隸即用縣弟二波意回家望母阻之不從竟

逢疾革得以成禮

天涯薄宦性非甘。汝弟離家歲已三。冰雪滿途鴻
雁少。哀音何日到黔南。讓甫內弟任麻哈州從事迄今已歷三載

轉眼滄桑勢已非。時衰每與壯心違。生憎不及歸。

巢鳥日暮猶同一處飛。
負債如山受折磨。憂愁殞命可如何。固然不善持。
家計也。恠親鄰。剝削多。
老來伉儷竟無憑。迴首青年慟益增。請看庭前風。
燭短一般垂。淚已成冰。
顛倒神。竟不自持。離思未了。寫悲思。滿懷亂緒難。
收拾今歲。今宵絕筆辭。